

DIE 29 OCTOBRIS
SANCTI NARCISSI
EPISCOPI ET MARTYRIS
PATRONI PRINCIPALIS CIVITATIS AC DIOECESIS

I classis

AD LAUDES

V. Deus, in adjutoriū. Glória Patri. Sicut erat. Allelúia.

Ant. 1 Fide Narcissus * hóstiam óbtulit Deo, per quam testimónium consecútus est esse justus, testimónium perhibénte munéribus ejus Deo.

Psalmus 92

Dóminus regnávít, decórem indútus est: * indútus est Dóminus fortitúdinem, et præcínxit se.

Étenim firmávit orbem terræ, * qui non commovébitur.

Paráta sedes tua ex tunc: * a sæculo tu es.

Elevavérunt flúmina, Dómine: * elevavérunt flúmina vocem suam.

Elevavérunt flúmina fluçtus suos, * a vóçibus aquárum multárum.

Mirábiles elatiónes maris: * mirábilis in altis Dóminus.

Testimónia tua credibília facta sunt nimis: * domum tuam decet sanctitúdo, Dómine, in longitúdinem diérum.

Hic versus Glória Patri *semper dicitur in fine omnium psalmorum et canticorum, nisi aliter notetur.*

Ant. Fide Narcissus hóstiam óbtulit Deo, per quam testimónium consecútus est esse justus, testimónium perhibénte munéribus ejus Deo.

Ant. 2 Obedívit * in locum exíre quem acceptúrus erat in hæreditátem, et éxiit, et demóratu est.

Psalmus 99

Jubilare Deo, omnis terra: * servíte Dómino in lætítia.

Introíte in conspéctu ejus, * in exsultatióne.

Scitóte quóniam Dóminus ipse est Deus: * ipse fecit nos, et non ipsi nos.

Pópulus ejus, et oves pásçuæ ejus: * introíte portas ejus in confessióne, átria ejus in hymnis: confitémini illi.

Laudáte nomen ejus: quóniam suávis est Dóminus, in ætérnum misericórdia ejus, * et usque in generatióne veritas ejus.

Ant. Obedívit in locum exíre quem acceptúrus erat in hæreditátem, et éxiit, et demóratu est.

Ant. 3 Obtulit * Dómino semetípsum cum tentarétur, árbitrans, quia et a mórtuis suscitáre potens est Deus.

Psalmus 62

Deus, Deus meus, * ad te de luce vígilo.

Sitívit in te ánima mea, * quam multiplíciter tibi caro mea.

In terra desérta, et ínvia, et inaquósa: * sic in sancto appáruí tibi, ut vidérem virtútem tuam, et glóriam tuam.

Quóniam mélior est misericórdia tua super vitas: * lábia mea laudábunt te.

Sic benedícam te in vita mea: * et in nómine tuo levábo manus meas.

Sicut ádipe et pinguédine repleátur ánima mea: * et lábiis exsultatiónis laudábit os meum.

Si memor fui tui super stratum meum, in matutínis meditábor in te: * quia fuísti adjútor meus.

Et in velaménto alárum tuárum exsultábo, adhæsít ánima mea post te: * me suscepít dextera tua.

Ipsi vero in vanum quæsiérunt ánimam meam, introíbunt in inferióra terræ: * tradéntur in manus gládii, partes vúlpium erunt.

Rex vero lætábitur in Deo, laudabúntur omnes qui jurant in eo: * quia obstrúctum est os loquéntium iníqua.

Ant. Obtulit Dómino semetípsum cum tentarétur, árbitrans, quia et a mórtuis suscitáre potens est Deus.

Ant. 4 Elégit afflígi cum pópulo Dei, majóres divítias æstimans thesáuris ómnibus impropérium Christi.

Canticum trium Puerorum

Dan. 3, 57-88 et 56

Benedícite, ómnia ópera Dómini, Dómino: * laudáte et superexaltáte eum in sæcula.

Benedícite, Ángeli Dómini, Dómino: * benedícite, cæli, Dómino.

Benedícite, aquæ omnes, quæ super cælos sunt, Dómino: * benedícite, omnes virtútes Dómini, Dómino.

Benedícite, sol et luna, Dómino: * benedícite, stellæ cæli, Dómino.

Benedícite, omnis imber et ros, Dómino: * benedícite, omnes spíritus Dei, Dómino.

Benedícite, ignis et æstus, Dómino: * benedícite, frigus et æstus, Dómino.

Benedícite, rores et pruína, Dómino: * benedícite, gelu et frigus, Dómino.

Benedícite, glácies et nives, Dómino: * benedícite, noctes et dies, Dómino.

Benedícite, lux et ténebræ, Dómino: * benedícite, fúlgura et nubes, Dómino.
Benedícat terra Dóminum: * laudet et superexáltet eum in sæcula.
Benedícite, montes et colles, Dómino: * benedícite, univérſa germinántia in terra, Dómino.
Benedícite, fontes, Dómino: * benedícite, mária et flúmina, Dómino.
Benedícite, cete, et ómnia, quæ movéntur in aquis, Dómino: * benedícite, omnes vólucres cæli, Dómino.
Benedícite, omnes béſtiæ et pécora, Dómino: * benedícite, filii hóminum, Dómino.
Benedícat Israël Dóminum: * laudet et superexáltet eum in sæcula.
Benedícite, ſacerdótes Dómini, Dómino: * benedícite, ſervi Dómini, Dómino.
Benedícite, ſpíritus, et ánimæ juſtórurum, Dómino: * benedícite, ſancti, et húmiles corde, Dómino.
Benedícite, Ananía, Azaría, Míſaël, Dómino: * laudáte et superexaltáte eum in sæcula.
Benedicámus Patrem et Fílium cum Sancto Spírítu: * laudémus et superexaltémus eum in sæcula.
Benedíctus es, Dómine, in firmaménto cæli: * et laudábilis, et glorióſus, et superexaltátus in sæcula.
Hic non dicitur Glória Patri neque Amen.
Ant. Elégit afflígi cum pópulo Dei, majóres divítias æſtimans theſáuris ómnibus impropérium Christi.
Ant. 5 Per paciéntiam * cucúrrit ad propóſitum ſibi certámen, aspíciens in auctórem fídei et consummatórem Jeſum.

Psalmus 148

Laudáte Dóminum de cælis: * laudáte eum in excélsis.
Laudáte eum, omnes Ángeli ejus: * laudáte eum, omnes virtútes ejus.
Laudáte eum, sol et luna: * laudáte eum, omnes stellæ et lumen.
Laudáte eum, cæli cælórum: * et aquæ omnes, quæ super cælos sunt, laudent nomen Dómini.
Quia ipse dixit, et facta sunt: * ipse mandávit, et creáta sunt.
Státuit ea in ætérnum, et in sæculum sæculi: * præcéptum pòſuit, et non præteríbit.
Laudáte Dóminum de terra, * dracónes, et omnes abýſſi.
Ignis, grando, nix, glácies, ſpíritus procellárum: * quæ faciunt verbum ejus:
Montes, et omnes colles: * ligna fruictífera, et omnes cedri.

Béſtiæ, et univérſa pécora: * ſerpéntes, et vólucres pennátæ:
Reges terræ, et omnes pópuli: * príncipes, et omnes júdices terræ.
Júvenes, et vírgines: ſenes cum junióribus laudent nomen Dómini: * quia exaltátum est nomen ejus ſolús.
Conféſſio ejus super cælum et terram: * et exaltávit cornu pópuli ſui.
Hymnus ómnibus ſanctis ejus: * filiis Israël, pópulo appropinquánti ſibi.
Ant. Per paciéntiam cucúrrit ad propóſitum ſibi certámen, aspíciens in auctórem fídei et consummatórem Jeſum.

Capit. 2 Machab. 15, 14

Hic est fratrum amátor, et pópuli Israël : hic est, qui multum orat pro pópulo, et univérſa ſancta civitáte.

R. Deo gratias.

Hymnus

Præsulem ſanctum méritis corúſcum,
Mártyrem fortem, decus hujus urbis,
Voce Narcíſſum ſimul atque corde
Pſállimus omnes.
Psállimus noſtrum redeúnte feſto,
Quem pavent hoſtes válidum Patrónum ;
Qui propinquántes répulit mináces
Sæpe phalánges.
Noster hic cuſtos, columénque noſtrum,
Hic adest nobis pater atque tutor,
Cujus et noſtram ſacra civitátem
Oſſa tuéntur.
Ipſe nos ergo tueátur omens,
Tuta ſit ſempre per eum Gerúnda :
Arva pinguéſcant relevéntur ægri,
Pax ſit in ævum.
Laus tibi, ſimplex Deus atque trine,
Qui beas noſtrum ſuper aſtra Patrem,
Ejus orátu bona ſempitérna
Pórrige nobis.
Amen.

V. Juſtus ut palmas florébit. **R.** Sicut cedrus Líbani multiplicábitur.

Ad Bened. Ant. Venerábilis Póntifex Narcíſſus, poſt laudábilem Afræ converſiónem ad Hiſpániam

proféctus, Gerúndam rédiit; ubi ad martyrii palmam felíciter pervénit.

Canticum Zachariæ

Luc. 1, 68-79

Benedíctus Dóminus, Deus Israël: * quia visitávit, et fecit redemptiónem plebis suæ:

Et eréxit cornu salutis nobis: * in domo David, púeri sui.

Sicut locútus est per os sanctorum, * qui a sæculo sunt, prophetarum ejus:

Salútem ex inimicis nostris, * et de manu ómnium, qui odérunt nos.

Ad faciéndam misericórdiam cum pátribus nostris: * et memorári testaménti sui sancti.

Jusjurándum, quod jurávit ad Ábraham patrem nostrum, * datúrum se nobis:

Ut sine timóre, de manu inimicórum nostrórum liberáti, * serviámus illi.

In sanctitáte, et justítia coram ipso, * ómnibus diébus nostris.

Et tu, puer, Prophéta Altíssimi vocáberis: * præíbis enim ante fáciem Dómini, paráre vias ejus:

Ad dandam sciéntiam salutis plebi ejus: * in remissionem peccatórum eórum:

Per víscera misericórdiæ Dei nostri: * in quibus visitávit nos, óriens ex alto:

Illumináre his, qui in ténebris, et in umbra mortis sedent: * ad dirigéndo pedes nostros in viam pacis.

Ant. Venerábilis Póntifex Narcíssus, post laudábilem Afræ conversiónem ad Hispániam proféctus, Gerúndam rédiit; ubi ad martyrii palmam felíciter pervénit.

V. Dóminus vobíscum **vel** Dómine, exáudi.

Oratio

Deus qui beátum Narcíssum Mártyrem tuum atque Pontíficem illústri láurea decorásti, ejúsque corpus admirábili integritáte claríficas : concéde propítius; ut, ejus deprecatione tuo muníti præsidio, incorrupta gáudia felicitátis æternæ consequámur.

Per Dóminum.

V. Dóminus vobíscum **vel** Dómine, exáudi.

Benedicámus. Fidélium.

Et ita absolvúntur Laudes.